

香樹齋續集

PL
2705
I378A17
1750
v.13



香樹齋詩續集卷二十五

嘉興錢陳羣集齋

恭和

御製生春詩二十首元韻

何處生春早春生

睿慮中一誠惟不貳萬彙自同風似杓初旋轉如

璣必貫融

皇心乘水德發育日叢叢

何處生春早春生

愛日中瑞煙呈壽字旭霽胥和風無量三元正當

香樹齋詩續集卷二十五

嘉興錢陳羣集齋

恭和

御製生春詩二十首元韻

何處生春早春生

睿慮中一誠惟不貳萬彙自同風似杓初旋轉如

璣必貫融

皇心乘木德發育日叢叢

何處生春早春生

愛日中瑞煙呈壽字旭靄胥和風無量三元正

調六氣融承

歡聯五代玉樹見新叢

何處生春早春生鞭響中千牛排綵仗鳩鵲起晴
風萬國衣冠會元辰禮數融掖門賓九譯舞蹈自
成叢

何處生春早春生

三殿中太和呈景運保合播休風一氣包寰宇三
光會協融觚稜金碧麗蔥鬱慶霄叢

何處生春早春生

下澡中思通方見

聖力厚乃培風翰墨隨年進文章與道融萬花齊到

筆乘興發芝叢

何處生春早春生椒頌中言言霏吉語幅幅起香風開處瑤筐匝吟成寶勝融小除傳令節點綴百花叢

何處生春早春生

錫賚中臣民孚一德內外被

仁風誼美昇平象情聯上下融殿頭傳

賜福懷袖滿柑叢

小除前數日傳王公大臣內廷翰林面領御書福字並

頌內府食

物果品有差

何處生春早春生綵燕中輕宜綴金縷斜恰受東
風甲帳屠蘇暖辛盤氣味融唐花

溫室供飛欲上香叢

何處生春早春生泰簇中青圭迎淑景玉律應條
風已驗農祥正先占土脈融歸昌鳴

盛世嶰谷茁芳叢

何處生春早春生人日中最靈頭上勝

人日日最靈辰送

喜閣前風

國泰年方順民安物自融老農挑菜把一本一爲

叢

何處生春早春生穀誕中民天脩上瑞祚首協祥

風

祈歲昭乾惕維時慶洽融自今書大有萬寶兆豐

叢

何處生春早春生如意中對時承

祖澤取義本

家風

聖祖每於嘉平染翰多書歲歲平安
年年如意字樣
世宗亦每書此

皇上御榻傍每列如意臣工以
此恭進九如之祝者間亦存之
戩穀升恆協含苞

節候融青陽知在握持應欲開叢

何處生春早春生豐玉中既占三素瑞還驗五花
風碧瓦流初潤茆檐壓未融更看獅象戲堆砌結
幽叢

何處生春早春生

御苑中鳥啼移緩吹香篆裊微風梅放簾初捲冰

澌水自融諸藩皆入會火戲起林叢

每歲外藩得與朝正者

上於御園賜觀煙火

何處生春早春生燈市中金吾弛禁令御史有威

風

京師正月十四至十六爲燈節外城各懸燈結綵以應節氣三日內金吾不禁每夜有巡城御史至市查點禁醉酒譁嚷者本羊角光常焰秧歌

坊以紅燈數十導引人多艷之

調白融當年曾誤馬也入小兒叢

何處生春早春生只竈中新疆開肇域萬里度

皇風欵附毗連合耕屯氣候融行看玉河外柳色

幾千叢

近聞和闐產玉河邊有種柳者

何處生春早春生六詔中

德威光北闕凱奏自南風

南風亦曰凱風

采入

皇師整連騰士氣融

虞廷書底績千羽兩階叢

時

命將南征緬匪

皇其險阻皇上德

威遠播行見小蠡昔

面虞廷底績班師當再見

今日也

何處生春早春生澤國中是梅多帶雪爲柳必招

風雨露天漿浥陽和

御氣融平江晴一望草色正添叢

何處生春早春生紫陌中浮元三戶俗爆竹五更

風

四日迎竈五日迎利市居

社鼓祈蠶祖田柴拜

祝融

禾俗每於新歲以驗歲之豐歉

取薪焚田中謂之田柴火

還聽太平響鐵

發應街叢

何處生春早春生杖腹中扶將添健足

辛巳冬臣祝

盤

入朝蒙恩賜杖

長養趁和風引領

恩光溥凝思湛露融

聖朝隆憲乞採到野人叢

此次蒙

御製生春詩殊批命和衰老

家居復得
侍賡颺之列曷勝忭舞

勅與近

題李蓮塘太守小影

薰風初鳴蟬林塘生衆綠高柳翳流雲新荷散微
馥愛茲一寸陰俯鑒半泓淥清景任蔽虧輕漣自
澹足小立方據梧假寐已忘鹿象外得真賞會遠
非遐矚峭蒨石骨張堅固蕉心束此中有韋郎燕
寢香風沃

題新安吳孝子刲股傳後

豫堂作傳東村紀奇孝真堪感路人寄語世間爲
母者鳴鳩那得不平均

峻亭瑪公自甬東移守吾郡題便面奉贈

風暝雙旌颺七旒輕翻麥穗滿平疇耆耆纔送劉

明府童穉還迎郭細侯甘澍隨來長水濶清聲併

入甬江流

公守四明八載父老聞調任頗切去思

神明要自閒嘉石

庭樹陰濃鶴和幽

三月廿九夜諸子分韻作詩送春得還字

九十春光猶覺少如何一日尙教刪蠶壤箔滿隨

眠起燕子巢成自往還不愛種花閒掃帚無心遲

去聲

客靜銅鑲瘴消遠徼

皇師入佇見長繩縛緬頑

緬路幽塞春時瘴發侵人盛夏後大兵進剿

題長亭劇

靴壓草痕平似研車隨馬轉簇成圍憑他一掬相思淚斷送斜陽幾寸暉

送歐陽蘭畦方伯之任粵東

國恩虞典三年績家學廬陵一瓣香

此先生蒞秉臬任過敝郡

時奉贈聯語

不獨愛民兼愛士攀轅人會拜文昌

庶獄正平廷尉石節麾又指越王臺班春嶺嶠花如錦惜別江潮海一盃

召棠陰覆接芳隄盛世聲華丹徼齊宦蹟鄉譽在人口輿歌不隔粵東西

梅岑上舍新婚後來謁贈二絕句

隨園圖裏曾相見玉樹聯翩尹與陳

袁大令隨園圖中沈歸愚

尚書蔣心餘編脩尹節相公剝啄今來真識面

子及梅岑與焉曾囑予題詩肩火色豈長貧

只合丰姿傍鏡臺題成卻扇太真才袖中一卷東萊議知是客從妝閣來

元配俞夫人側室沈孺人葬南石村已逾四

紀乾隆三十二年冬兒子汝誠兄弟營葬

繼

室俞夫人且爲予營壽穴擇日移南石村二

柩同葬新塋詣柩次一奠愴焉有作

地下相依屬娣舅牛眠改卜妥清魂夫榮空說干
行首子貴還膺八座尊始得展眉攜後輩終當執
手踐初言

三朝一老猶强健自領孫曾拜墓門

予於丁亥五月書東坡題鄢陵王主簿所畫
折枝二首寄望山相公公極愛予書曾寓書
於予云承惠書畫筵昕夕展玩不忍釋手惜
非寄懷之詩未愜所望乃卽用坡韻辱贈情
致拳勤有令人不能忘者大雅云仲山甫永
懷以慰其心古今人有同趣耶相公詩從卿

吏寄予塗次濡滯遲兩月方至遂依韻爲答
虞廷咨傲日贊襄毗臣隣雲門自膠漆颺拜依

聖人與君

三朝舊相知老如新相知便相憶真意能通神辱
贈瓊瑤詞纏綿復停勻臨風一高唱藹然感陽春
我昔示疾歸飄如散花女君今應平格望歲作霖
雨翊戴際良時帷幄期萬舉自公得清暇潑墨成
釵股千里惠雙魚深情溢毫楮尼山有未見勗哉
副其語

附原作

尹繼善

丁亥五日香樹先生遠寄畫扇錄東坡詩

二首並索予近句因卽用坡韻寄懷

自古稱知己天涯若比隣何處繫相思煙雨樓
邊人寄我畫高松灑墨老逾新霜皮含翠色虬
榦尤精神數行斜點筆婀娜復停勻披圖識遠
意百歲同青春

閒居樂若何繞鄴多兒女青蒼檻外山淅瀝湖
中雨月夕與花晨景物難枚舉拈毫念我時斯
螽方動股兩地別離情纏綿託寸楮更望寄新
章恍如聞笑語

戊子天中節前二日羣旣手錄兩家倡和詩
復取東坡詩讀之詳味詩旨通體畫折枝筆
法而兩章末句一章云誰言一點紅解寄無
邊春二章云懸知君能詩寄聲求妙語由前
之言予雖不作詩而借坡言以達寸心於老
友由後之言若早知望山相公愛吟見之自
有好詩投贈香樹也昨歲清和遣家人齋摺
北上本擬作寄懷詩伴函者乃衰齡心思短
淺信手取案頭蘇詩翻得一頁見此二詩疎
澹卽錄箴頭奉寄由今思之東坡於七百年

前若早爲尹錢兩後進預爲料量詩話者少
陵詩云宮中聖人奏雲門天下友朋皆膠漆
由繹詩義有泛愛親仁兩意寓焉幸際

明良之世上有

堯舜君下有準夔佐和氣所感自然交孚矧予與
望山從康熙間詩文莫逆五十餘年契分如
一日坡翁有知亦應增羨聲音之道感人最
深和而不流羣而不黨其在斯乎香樹居士

跋

題張映綠上舍采菊娛親圖

難老秋容傍晚笛母慈子孝善人家閒翻宵雅裁
新什笑指黃華是白華

魚亭西曹出所藏先太夫人畫筵請予評判
眞贋余奉軸諦視恍然記憶年未弱冠時侍
母往來澌上取道橫山金粟諸湖橋低坐小
舟以進太夫人性耽繪事所攜絹素篷牕苦
不便展舒乃取筵頭數握隨手作小景謂予
曰此黃筌趙昌輩能事也吾不耐爲此如舟
次狹小何予曰繪事旨趣貴有生意東坡題
小景畫云誰言一點紅解寄無邊春景固無

分大小也太夫人領之後爲好事者購去閱
六十餘年又復見此碧柳朱華浣風濯露猶
彷彿船唇侍立時也手澤之感其能去於懷
哉敬題一絕並識緣起以復

截取湖光一段春調朱配粉至今新辦香幸人門
生手印證當年侍畫人

六月八日同沈子劍舟登舟至武林途中用
東坡宿臨安淨土寺韻

訪友事輕程

魚亭屢約予遊西湖

放棹日卓午餉饋田婦忙

肩水農家務雲衣暗橋門火繖浮天宇柳色入村

煙菱蔓緣溪縷仿帖領古香試薺瀹花乳鳴蟬若
相隨過鳥不可數已聞晚舂鐘正近斜陽臨白髮
苦煩蒸生衣怯風露檣燈挾岼移野渡聞人語行
漱寶幢泉遂指武林路平生慕信脩溲響不一顧
明朝見故人卮酒足仰俯

出艮山門舟中看兩岼白蓮用東坡記所見

開元寺吳道子畫佛滅度韻

時以先武肅祠
歲久就圯觸暑

白當塗循
例脩葺

翻身便學尊者法指點受記降童俊髮長千丈不
到地諦示萬品皆隨肩火雲一舸出器市蓬牕瞥

見雪色蓮濃陰淡抹垂柳外別有香界空諸天淨
明自浣佛鉢水供養暗受天目泉出塵國色不受
浣印川明月多成圓往時跋馬過匡阜一弔處士
稽星躔而今高臥枌榆社生涯釣水還耕煙射潮
奇烈炳史策餘蔭猶記先民傳奈何衽席忘所自
如飽嘉穀遺艱鮮大哉

皇恩表功德巡方特典親臨觀

上巡浙四次
俱蒙遣官諭祭復

親幸先祠賜詩褒嘉又復賜
題鐵券寵榮疊沛存沒感戴

望山相公用東坡題郭熙秋山平遠圖詩見

懷且言將扈 蹕至木蘭卽次韻奉答

端居懷友清且閒故人顏色如秋山三年一別各
千里有夢時到青雲間丁寧一語爲寄遠昇平事
業何曾晚雙魚昨喜渡晴川高鴻又見落蒼巘南
國詩人髻已霜杖藜徙倚當斜陽斜陽亦似解人
意雲端故故回餘光紫塞涼生扈從日樹多於薺
山一髮題詩遙寄塞雲深天上知音託仙石

附
原作

尹繼善

戊子午日香樹先生以東坡題郭熙秋山
平遠圖詩書箴頭見寄卽用其韻漫成寄
懷並索和

林泉歲月何寬閒，羨公湖水環家山。聞有荷花香數里，杖屨常在煙雲間。回首白門事不遠，停車記趁楓林晚。彩虹橋外紫峰高，結伴扶筇登絕巘。
庚辰秋先生奉命曾遊攝山別來幾度易星霜，南國音書盼夕陽。久無新篇寄老友，屏幃何以生輝光。嗟予精力非當日，勉作長歌懷鶴髮。何處開緘讀我詩，定倚青松坐白石。

輓鍾芬齋閣學

當年珥筆直西清，家學人稱是皓嶸。藜閣書聲傳紫禁，星駟化雨灑金城。昨聞詔許循陔養，一見顏

開倒屣迎不謂蓬山舊同侶蕭晨和泪寫銘旌

芬齋

與兒子汝誠同館相厚

宮怡雲方伯靈櫬歸高密以詩送之

子舍齊眉樂官齋彈指中如何養未逮翻恨祭難
豐鴛水畱詩客金陀作寓公海棠花下酒蘭若檻
前風各領兒孫到真成臭味同平生賀監老愁絕
謫仙翁誅郭才慚弱令嗣昨歲乞呼張泪已空張用
式事最憐蒿里曲聲落岱雲東

題仿米雨景

畫師拖墨雲滿紙頽背村農望之喜屏翳空中自

點頭吹潤良苗一千里

重陽日摺使歸自熱河得望山相公再疊東

坡題郭熙秋山平遠圖詩韻見懷索和一首

幾務贊決退食閒直廬飽看興州山南望高鴻落

天外故人尺素飛雲間白頭延佇蓬瀛遠仙家瑤

草秋將晚時當扈從獮政成駸駸賜馬過蒼巘夜

來輦路點微霜六龍曉渡灤水陽

天章勅和及衰老向榮弱植被恩光

其時頒到恩
當貝緞疋並寄

數十首命和御製詩新篇附到題糕日循環披讀搔吟髮

平生不愛女郎詩竟夕忘疲爲山石

東坡曾夜讀
退之山石詩

凡數十遍牕紙
將白竟忘睡也

附原作

尹繼善

熱河寓齋接香樹太傅和詩數千里外如
親笑語朗吟數過感喜交并仍疊前韻寄
懷卽以代簡

忙中心境自清閒
扈蹕重登塞外山
問予居停借何處
西溝茅屋兩三間
懷人目望西南雲
遠鴻雁書來天將晚
開緘再拜誦新詩
笑倚晴牕對碧巘
眼前白露欲爲霜
黃花節又近重陽
屈指別來忽三載
幾見春光與秋光
吳門唱和感昔

日千里相知兩鶴髮喜聞腰腳尙康強無杖仍能踏泉石

戊子秋王白齋司農國石堂學士典試兩江榜發後却寄三絕句

長慶流傳譚柄資爭看白傳與微之

元白同至浙杭越兩州士

女爭看者闔塗塞巷至導馬不得前兩公謂曰爾等來看兩學士耶齊聲云今日要見平昔所聞之

元白休將官職來相比午夜論文水乳時

官職比耳君雖較

小香山贈微之句也

當年選佛會同叅丹地聲名早出藍爲語江南諸

弟子白頭原憲老猶慙

予自壬申沐

主恩賜服卹備至退

傳林栖尙縻

天家厚綽每念趨直

禁籞躬際

昇平毫無報稱

時深悚愧昨主司以憲問恥九字

命題其警惕當官者至矣僕雖衰髦猶欲以清

夜自矢者與此邦名列賢書諸子共相敦勵云

詔許遊山一盪胷扶筇曾上最高峯使星歸路攀

躋處可報平安與九松

九株松栖霞勝槩之一壬午秋兒子汝誠再典兩江

試事上命陳羣一遊攝山便與汝誠相見蓋主司公事竣多於此一覽睇也

附和韻

王際華

司衡南國有師資兩度聲名重立之

司農立之世講為吾

師長子兩典此邦試事至今言衡鑒之精者必曰錢某也因以輿論所稱為韻非敢唐突張

耳竊取鯉庭香一瓣掄元可証賞心時榜首張

午為立之司農激賞已列前茅為官生習禮僅有一卷跡嫌而止今以民卷詩經頌解一時翕

然稱允內監試高司馬暨房考數人
先在壬午闈中目擊其事言之最詳

師門玉尺每追叅本本原來都有藍簡裏毫釐

千里別步趨容易說無慚吾師典試楚中總裁

以淺植頻膺異數亦至楚中江右癸未與南

宮試事今復忝是役御命所至皆大賢垂範

於前步趨不敢不勉而本源尤所不敢忘云爾

驪珠一握捧當胷原詩書賜杖神飛到攝峰敬

識起居儲顧問喬柯露浥健如松去年吾師與

賜橋梓圖 恩榮佳

御製翰林院宴畢

御製翰林院宴畢

御製翰林院宴畢

御製翰林院宴畢

駕幸貢院七律四首元韻

四詩當載初集中偶遺存稿補刊於此

燦爛文昌拱北辰垂芒下照

帝城闔時清真見才師濟

主聖偏知士苦辛樺燭閃風吟卷地青衫似草計

偕人拜瞻

天仗聞

天語輦路如隨有腳春

人間有路接中台鎖院曾量斗石才試已至三亦

足矣拔能得五儘佳哉晷移蝸舍千行列雲擁龍

門四扇開最憶年時文戰北蹒跚六七番曾來

臣陳

羣曾應京兆試五南
宮試三而成進士

羽儀王國待扶搏不是尋常挾策干擢秀鄧林心
匠巧求珠赤水夜光難瀾翻舌本推文傑冰作頭
銜屬試官珍重

至尊延訪意摩挲莫厭漏聲殘

花開桂落寫升沉七字

宸章萬遍吟求士何妨求驥比愛才真與愛民深
華簪自昔憐初服玉笋經春戀故林寒峻一時齊
忭舞敢將志業答

皇心

敬題

先慈所畫出海觀音像

髮面衣袈千
萬縷皆一筆

自成莫可尋其起止使龍
眠十洲見之亦應咋舌

萬里波濤萬里平
萬年自在萬年清
十方善信同瞻仰
無縫天衣一筆成

子貢手植楷杖銘

非榮非悴理文體
直一莖千齡端木
所植木之端兮
惟人之模人之端
兮許爾與俱

兒子汝誠久病初愈
以臨仿碑版遣意予
所藏松雪手蹟二種
及予新刊綿潭山館
長卷付之題一絕句

楷法曾分汲黯帖散行還有衛生歌新刊長卷綿
潭句野鷺家雞入細摩

題汪氏水香園冊子

未識主人面展圖見山水主人成雲煙存者盈尺
耳昔日題詩人高叫不可起前浪吹旣東後浪亦
如此九共與鳩方出壁半已毀詩逸僅名篇嗜古
飫糠粃美爲愛所傳悅目會深旨雲仍世守之人
壽那如紙

題楊大令板輿奉母圖

循陔詠采蘭祿養當何如東征就曹穀豈同賦閑

居愛此春日佳花間自將車稚孫三兩輩扶杖爭
前趨用博慈顏喜一枝映華裾伯氏宰長水走也
歸田廬偃室雖不遠鄭履終常疎令兄青螺大令
官秀水多善政
時予予告里居邑治距敝廬
近歲時于公所繼見外踪跡甚疎吏局多遷徙綰
綬仍銅符夙承賢母訓砥節懸封魚卽今棣州境
子舍開新區板輿散衙隙戲綵鳴琴餘作詩貽形
史清白爲世樞

題攀梅美人圖

人言一點紅解寄無邊春卿今折長枝送春與何
人環珮旣豔麗包裹亦鮮新豈是矜可服不輕予

笑顰

歲暮寧青出青蚨請賽百紅戲倣石湖樂府
打灰堆意

肩錢稚子雨中來轉眼東風布穀催早卜耕蠶處
處好口占詩當打灰堆

和查他山先生種花四首次韻

十年辭故園京邑悞馳騁小憇立庭陬物理涵虛
靜輕雲暖微卉生意差可領清暉媚幽獨芳菲戀
俄頃灌溉信有資切勿近習井

雛松陳花市葱蒨非凡種雨露旣因時益益復承

寵百錢買之歸肩荷奚童勇成陰自非易舊栽未
盈拱

榮悴若有時莫謾仇東風東風信有私至理秉化
工達人自茲悟俯仰將毋同不教田號石勿使山
稱童

我愛李衡老任勞頗不匱植樹江潭間歲致千縑
利竹頭及木屑志士不忍棄力惡藏於身貨惡委
於地再賡種花詩慨焉發長喟

咏栗

野老摘山栗霜風樹樹寒劈開新蠟樣脫手小金

九飢雀難分啄癡兒覓一餐
嬾殘煨半芋候火欲同看

予少作遺忘甚夥偶於戚懿間得舊稿一冊
內種花咏栗皆未第時與初白前輩倡酬之
什補入近稿亦不棄著簪意也

秋夜過慎思堂歸聽諸孫夜讀

子舍仍歸路蝦蟆報二更深
沈隣柝響斷續砌蛩鳴風細
簾輿穩星稀蠟炬明
最憐燈帳裏猶送讀書聲

題文姬歸漢圖

導歸漢節踏層冰十八胡笳拍可曾

前人謂十八拍乃六朝人

擬作非出文姬手也

此去若過青塚路自應有淚洒西陵

香樹齋詩續集卷二十六

嘉興錢陳羣集齋

奉

勅恭和

御製詩

四十首

孟秋恭奉

皇太后幸避暑山莊啟蹕之作

順時諏吉奉

慈安擊壤徵歌繪至懽

愛日風光增美利祥雲布濩自旋盤行秋先導開

晴景省歛初程試曉鞍旬服

恩施成永被民心寬協

聖心寬

午熱

問俗秋郊午輕塵上旆旌卽看餘暑在此卜大田
成雀近馬頭噪蟬移柳外鳴

對時宣節候吟罷一怡情

早涼

初日已全曙曉星猶半方行旌和露重隄柳入煙
長懷葛風如昔綢茅俗未忘添衣成小憇多稼漸

雲黃

臣恭和

元韻至早涼一詩詩境自然澹

高州大守鄭梁曾作曉行詩有野水無橋牽馬渡
曉星如月照人行之句一時詩家多爲延譽稱爲
鄭曉行臣嘗讀而愛之謂與唐人鷄聲茅店月人
跡板橋霜詩品類因附識於此冀邀

笑云

過九松山放歌

山以松名松以九猶之田盤之嶺遂以萬得名是
萬爲九九分萬離奇蒼翠皆抱雲根生吾

皇秋巡適過此松風拂澗時玃笙簧鳴龍蟠師蹲
各各標形勢正如羣后端冕搢笏朝鳳城

天聲作歌振天籟莫不敲金戛玉自得松性情

昔人

謂善畫馬者皆能得馬性情詩道亦爾歷代諸名家如吳均范雲李白杜甫白居易林逋王安石蘇軾之流各有咏松詩類皆節取臣恭讀御製集百餘卷中過九松山凡六七首又咏松各體三十餘篇皆體格古渾其超出前代詩家者以天趣高逸自得蒼官性情耳

遙亭行宮晚坐

輦道密雲驛薰風上林館稌黍正鋪荼溝塍自清

淺年年

玉輅過喜值炎氛遣

帷宮暮涼生絳帙古香展勤民眷

睿情納鉢有常典

南天門攬勝軒作

如繩馳道接雲達閭閻矐矐曉霧披錦樹迎

鑾餘好色螺峰翊

輦更多姿洞開直似重門闢勝概全收一攬時呼

吸輿情通

帝座

皇言猶自厯於茲

元韻九關虎豹騷人賦寓
意吾猶懼在茲仰見
皇上

遐邇一體之盛心與古聖念茲
在茲釋茲在茲之義有默契云

出古北口

秋獮年年

家法遵

六龍時邁慰邊民八荒在宥真無外笑指長城陋

漢秦

亭館東西舊歇涼

元時古北口沿路多涼亭
賜東西涼亭軍士糧鈔

山垣

秋爽襲衣裳勤民歲歲思多稼喜見連畦接陌黃

紆迴畱幹嶺邊蹊

古北口一名畱
幹嶺見金史

父老耕耰力作

齊柳外斜陽帶牛背隴頭軋軋轉車輓

駐喀喇河屯

方言猶指舊時城薦爽秋郊爲眼明來百來千藩
室覲餘三餘一塞農耕展親恩誼惟逾篤省歛風
光最愛晴明發灤陽祇卅里吉行迤邐指

霓旌

灤陽別墅有會

山水有方位互爲陽與陰

行館開灤陽是水之北潯

聖人蘊仁智會意寓登臨何必按爾雅始一試酌
斟詮義識以詩其見天地心

至避暑山莊作

蹕路行來未滿旬

自京師至山莊
計程纔六七日

康衢父老仰

皇仁於今

盛世歌年有自昔山莊按

歲巡

上法

聖祖每歲夏秋幸避暑山莊
祖勤民必按期蒞止

樸俗

傳家惟戀

主

宸遊乘令爲勤民

吟情早動錘鋒外爽挹秋山不厭頻

秀起堂

雲峯上上頭眺賞

睿篇畱第一山莊秀屢豐塞外秋參差丹巘疊曲
折玉泉流遙望霜林葉因風入古溝

題宜照齋

毓靈山勢原依北遞爽山光恰向西靜構軒楹延
霽色嘉名齋閣仰

新題琤琤泉韻偏宜遠點綴花枝正合低慚愧驚

駘徒企望幾時珥筆可重攜

臣雖衰老家居每賁和宸章不惟

向日扈從景物卽凡新闢勝境名齋猶冀有生之
日再隨豹尾一遂游歌矢音之願實犬馬依戀
之誠有出於不自知也

就松室

松霞昨歲得

句新就松仙館今始築養就蚪鱗幹拂欄結成偃
蓋雲生屋清陰滿地鶴步紆黛色參天濤籟謾會

見蟠根長茯苓喚取長鑱斲未足

出麗正門恭迎

皇太后駕至避暑山莊作

引領

安輿到未遲

宵衣昨夜問何其矐矐曙色依

清蹕坦坦秋程早肅達三色雲容兼五色萬斯禾
困又千斯塞垣婦子歡迎處夾道香花慶集禧

雲潤樓

由來膚寸雲能生千里潤薄從簷際宿飛向牕中

迺有時成慶裔糾縵如紳縉侍從亦沾衣

天題仰共信

元韻自下而觀者蜃閣猶疑信寫縹緲雲容有大千在掌握中氣象

恭和至此益服繪影之妙

山中

早涼午熱晚復涼山中氣候亦有常

至人調御會至理薰絃一撫符垂裳鳥獸草木自咸若伊尼博碩黍稷黃對時育物攄

睿藻雲影澹沲霏天光

率題

由來好句本天成橐籥洪鈞蘊至精每誦

宸章仰雲漢方知才薄費經營

元韻以率題命題恰詮出論詩真

諦仰見

聖學高深與日俱新

至以拙成三字

豈惟詩哉作書繪事到極妙處亦如是也知蓋天

下守之以愚道德

五千胥此旨耳

獅子園六咏

山色

山有太古色對之道心生迎秋發澄霽坐愜

樂山情

溪聲

溪水帶雨急溪聲憑欄收何人綠綺一寫跳珠

流

鳥語

青鶴似笙磬王嘉拾遺記青鶴鳴時時樂鳥稱太

平有時傳逸響能作迦陵聲

蛩吟

涼城鳴莎雞秋意自可見萬里激壯夫三場酣文

戰時直省屈鄉試期

砌花

笑時多向日向日分千笑唐太宗詠花句繁處燦於星卽是恒

春樹誰言只暫馨杜甫詩寒花只暫香

庭草

庭草不須薙翠色時紛披偶契濂溪語何慮復何

思

周敦頤不去庭草謂有生意

荷二首

六月先看太液花塞荷七月尙蒸霞

天家自是恩波濶日照承光總不差

三輔黃圖太液池有低光

荷日照則葉低蔭根莖若葵之衛足

紅蓼芙蓉伴晚芬胎禽白鷺偶爲羣分明玉女峰

頭見一朵荷花一丈雲

鶴

仙圃有仙翮能集復能颺要自適飲啄何弗時

翔豈同雁南北終歲謀稻梁托身在

文囿濯羽依芳塘將雛荷終惠感激殊尋常啣芝

來獻壽引吭遊明良

元韻乃悟順物性知良能自良真得尼山一貫之旨包

舉渾融宋儒多少辨難自可渙然冰釋

夜遊山月作歌

秋山入夜景穆然境同太古堪靜寄每於

宸遊月上時吟賞無心美具四冰輪自湧皎潔姿

豈與秉燭同一例蒼髯拂影冷蚪松翠蘚呈紋輝

石壁

叶

蚪松石壁自雙清風露浩然澹無際

皇心與月鑑空明碧空那復畱纖翳天開勝賞入

銀鞍得意吟成有餘意

杜甫詩吟多意有餘

一再尋詩一停

騎佳哉四美於焉萃

食蔗居

螺旋山徑紆探奇在曲盤仰見青芙蓉跼巧簇
攢來遊如噉蔗每以漸引端深入境彌佳淺嘗肯
卽安雲構愛匝匝耳目得異觀別有小天地牕牖
羅羣巒悠然領斯致颯颯松風寒

八谷遂至創得齋

菴谷邃且靜奧處足延賞攬勝若無心驀遇非緣
想白鶴指松棲仙鼠攀蘿上山齋無撓寧怡情一

俯仰遠嶂列如屏秀色呈塏爽軒牕旣清幽槃澗
復寬廣鳥舌簡訥餘閒雲自來往

夕佳樓

山氣晴自爽趣領

幾暇時一樓攬空翠結勢虛吟西畫手豈范寬髣髴
橫卷披綠岡雜衆蘂點綴色離離陶潛貪看山
秋菊同襟期

宸題於此適奚用和陶爲

濬溪

驟雨排山鳴飛泉作雷奮澤腹或全蔽疏豁勿使

填叶勢須導委行功類盈科進灌輸習坎亨吐歙
衆流迅

聖心鑒澄波一月千潭印不舍會逝川寧憂去私
恪隰平泉流清奠定視此濬

卽景

曰雨曰颺年則成時若秋郊見多黍

天心自與

聖心協萬邦旣綏豐亦屢叶卽景偶然占一隅拜

手颺言欣作覩微臣老與鷗鷺親跼遣長鬚達

皇所

下高峯至玉岑精舍作

雲峯路盤旋近麓漸坦易鳴

鑾下山椒木杪紆從騎年年憇玉岑詩境會禪味
駕言命青驄犖确聊一試策馬與肩輿山徑可隨
意孰逸而孰勞藉力兩無累三復新寄

篇健行洵能事况復體物周寧爲輿臺勸回轡眄
崇巒軒牕潑蒼翠伸紙召墨卿卽景安吟字

清舒山館

山水清音寄此間佳辰隨意欸松牕行雲入戶成
舒卷明月經旬記往還林薄蔥蘢添鳥哢秋空沆

濯飽蟲嚙圖書自足供

宸玩一趁幾餘一遣閒

千尺雪

水石相遭自有情堆來雪色響逾清寒山塞上論
千尺各寫冷然自意行

激泉噴玉碧廻環坐賞幾餘致亦閒但得四圖包
衆義何須公案說廬山

谷簾泉捲一層層爛若晨曦積素澄悟徹孔門川
上旨從知不舍是真乘

敞晴齋

塞雨知時雨卽晴今朝敞叶

至人情齋中古翰經真賞林際清輝送遠晶雲影
過峯移雁影鶴聲流韻和松聲吟成自笑同芹曝
衰白何期拜

睿評

臣每恭和
邁呈

覽時必再四懇求指示訓誨
御製詩成自分拙鈍衰

宮保制府拙圃崔公以兼攝撫軍自閩移駐
杭州循行屬郡經天台雁宕各有詩紀其勝
槩詩品高逸自非深得江山之助曷克臻此
賦一律奉寄

往往緣慳失勝區先生才命兩相符信眉石廩憐

窮愈放眼蓬萊笑大蘇始信君身有仙骨便移玉

節訪靈都慙予賜杖辜

恩諭疊浪峰頭僅一扶

歲辛巳恭逢皇太后七十大慶陳羣祝

釐赴闕蒙

恩賜杖入朝明年春

第三次南巡召見行宮

諭曰汝浙產也天台雁宕

浙最勝處汝體氣尙健可於春秋佳日攜杖一遊

陳羣免冠叩頭奏曰臣荷再造深恩身子還好唯

腰腳軟弱不能濟勝耳是年秋子汝誠再典江南

試事有旨命臣於九月初遊各體詩時尹

汝誠相見有紀恩及紀遊主俱有和作

題王生玉峰明經柳陰坐釣圖

家在西湖二月時春流活潑柳絲垂勸經他日鱸

堂坐莫忘尊鄉老釣師

大女汝慎從金山歸省恐廢其孤孫課誦屬
其女善視其弟畱郡三日適予疾作大熾目
不交睫者七晝夜少差予方進粥勢可無
大慮廼遣之還并示以詩

補刊丁丑舊作

女能將幼弟汝便視衰翁獨臥憐秋蝶孤吟
蟲拭巾防藥汙遷坐避簾風明日辭歸去分河
一水通

辛未仲春廿有一日予扈從至葑門館於少
宰彭公家前一日女汝慎知予過里門不敢
還家因買小舟來吳彭夫人與予老妻有舊

乃止宿焉語竟見一編乃節孝傳十年前汝

慎扶壻柩辭歸予手付者

燈可有女見爺時意外相逢半信疑手付一編猶

出袖涔涔老淚不勝垂

已丑春帖子詞

秘殿條風啟

慈闈曙旭開鴻臚司典屬仰化象胥來

理紀治臻舒疊茂紐芽德應喜羸昌

漢書理紀於已紐芽丑

言紀綱貞理而芽卉滋榮也今歲紀適符正揚子所謂舒疊和淖萬物喜樂之候而管子云其德喜羸而發出者也韶年嘉應協綏豐占與元辰叶得氣駉臻實爲歲美人和之兆

酉千倉更萬箱

元日爲乙酉占候書云正月一日得酉大豐

年年綵帖望雲馳幡勝裁春進

玉墀心數

繁釐頻歲集喜隨率舞效來儀

明年庚寅上六十萬壽後年皇

聖母皇太后八旬大慶祥徵疊萃臣當扶杖闕下頻效嵩呼心焉敬數頌慰曷勝握管裁春

帖時已覺神馳於玉階金阆間矣

題歲朝圖次誠兒韻

傳家詩筆在紀歲詠初春鵲語連朝報燈花幾夜

頻殷勤如意幃點綴吉祥辰劼毖宣三德寅恭凜

四隣拜颺勞遠寄耕織許徐陳

小除夕宮保大司農于敏中承

旨寄到

書樓詩韻

御題耕作蠶織圖用程榮命陳羣恭和黼黻終慚

陋脩持恐未純敢云與物競但自率吾真玉守依

山璞鴉憐夾道椿

用張耒詩意

平生違捷徑垂白整安

輪結習嗤猶在撚髭苦未新

附原韻

男汝誠

綺圖駢吉語愛日奉韶春梅蕊含芳早芝英紀

瑞頻衆仙環壽宇百事樂嘉辰願以山爲祝端

惟德有隣家風敦石柳懿行美荀陳積善餘慶

在傳經舊學純書田綿福遠心地蘊祥真

聖澤涵淵海期頤頌大椿賡歌諧鳳藻揚對

接蒲輪子舍懽承處拈題綵帖新

題吳蟻園中丞雨中觀耕圖

先生濟世才蹇蹇爲國盡循績一麾始膏澤千
里潤金川昔行師軍實勞轉運來旬駐河西三載
寄屏翰昨聞旌幢移南紀肅風憲式化以宣猷惇
德乃承眷際茲好雨過一稅桑田輓笠簷紛伊糾
秧針已扶寸播種腰環環古樂府名短衣泥沒胫
耳熟雙鳩呼目極一犁濺雲羃西屏峰水展澄江
練圖成署觀耕劭農務所先去聲願將郇伯勤於焉
答

宵旰喜挹頰浮光泠然會餘善

與駕飛弟

吾家第五叔七十早懸車仲子能爲政

二弟鵠雲昨授海州

牧叔兮愛讀書手抄架上帙心遠世間譽鐵筆追

唐本行看壽石渠

贈曹徵士楷人

我愛清門裔論詩一起予隱囊閑嘯傲秘籍自爬
梳家有山濤啟農傳汜勝書他時洛中社左席爲
君虛

輓諸草廬宮贊四絕句

童子場中接履絢里人爭指兩於菟

予與草廬皆丙寅生廻

思七十年前事白首如新淚已枯

吳下詩人顧

俠君與張門匠

早尋腳跡到書坊坊中萬

卷高連屋多入先生螢火囊

草廬少時家貧無買書貲聞吳下書估某

愛客詣之畱數日主人敬其好學謂曰觀君舉止欲讀竟此架上線裝耶草廬笑而領之三年靡不遍覽俠君匠門未第時聞而訪之爲之延譽名遂噪吳下

姓氏瀛洲兩遍題冰銜垂老似山栖門人會哭論

私謚一字終推柳下妻

奧義高辭婉典墳金泥玉檢任紛紜

聖朝不尙云亭事遺稿知無封禪文

上巳後五日招同人泛舟南湖登烟雨樓遂
過茶禪寺看桃花晚泊西郊菜畦小飲劍舟
兄弟用東坡穎濱陪歐陽公燕西湖詩韻見
投次答二首

春遊那禁頭似雪遊人爭看顰齒頰逢僧軟語意
飄逸鬪酒圍棋致風烈楊花如絮復如霜絳桃吐
艷何煌煌居人見我尙輕健自笑但坐吟詩狂歲
歲登樓差不惡嘯歌卽是延年藥彭殤自古有脩
短險夷任運齊苦樂圓通何用說無生形影未澈
陶淵明人間還有醉夢者醒來滿耳琵琶箏

佛院桃花誰所種仰看

天題參斗重

賜名茶禪寺有御製詩碑

良辰愛與鄉老逢勝

地况約詩人共廿年已老今更衰

予懸車里門已二十年矣又

是趙州茶熟時息肩當局事非二頑者點頭慧未知一卷蘭亭一枝筆閑來排遣門懶出今朝乘興作春遊菜花風搖黃一色

鑾輿四幸恩澤多蹕路歡迎誠勿呵噢咻整飭長民職寬嚴中節今若何

附 同作

沈叔埏

樓頭落絮白勝雪湖上浮杯紅映頰爭來平地

看神仙人語嘈碎花馥烈勤思老僧鬢如霜指
點寶墨光煒煌曾乞題詩作玉帶禪喜欲逐東
風狂步屨溪田致不惡只少峰螺從採藥提攜
青絲勸客醉祝公難老昇平樂歸去層樓烟水
生相輪倒影春波明誰能圍棋賭別墅公肯臥
聽東山箏

沈珏

林中有鳥催播種雨餘漸覺農事重流杯高會
展重三雙湖來去仙舟共公身矍鑠神不衰出
遊觀化聊乘時舉頭天外能自得此意豈許閒

人知畱題是處扛健筆珠光遠逗珠林出試茶
更證趙州禪人天眼界超空色觥船百泛如涌
多歸途燈把還交呵春風沂水有真樂持較禩
飲當如何

球

隄邊繫纜花搖雪景物酣酣春滿頰平湖新漲
拍天浮日暖煙輕風不烈闍黎揖客髻已霜入
門四照花煌煌我公嬉遊補禩事非仙非佛非
詩狂平生與世忘美惡延年豈藉長生藥閑居
便愜鷗鷺情嘯歌自得田園樂蘼絲出水蘆芽

生篙行却愛波光明
飴簫漁笛已堪聽
不須銀甲彈秦箏

附

和香樹前輩寄讀上已後五日泛舟南湖
用東坡陪歐陽公燕西湖詩韻

嵇璜

煙雨樓頭花似雪
仙伯登樓酒頰頰
我適然來興更逸
爭羨風神勝王烈
一彈指頃移星霜
寄我詩筆何煒煌
句奇意遠兼手硬
非有仙骨焉能狂
久病常作數日惡
安心已竟無須藥
雪泥鴻爪早有悟
雲在水流差可樂
遙憶南湖春水

生拍浮正愛夕陽明吟成古調獨彈處底用雅俗分琴箏

聊城少宗伯東長鄧公予同年友也力行孝友人無間言其訓士也和平樂易以身先之任滿還朝浙士愛慕無已尋予告歸里又數年辭世士之懷德者相與祀其威儀於湖上春秋報事勿懈益虔公門下士汪西曹憲爲予乙丑所得士稔予與公契分最厚述與祭諸子意屬爲迎送神之辭畀司祝歌以侑之

香齋集卷之二十六
司命兮文昌公降生兮孝德擷秀兮舉芳秉衡兮
玉尺薰下士兮穆以愉俾成人兮奮皇塗日月
逝兮慕不渝薦嘉卣兮辰卜春菰兮秋鞠湘蓴羹
兮潔明霏天香兮馥郁翱翔兮德風披拂兮化雨
魚魚雅雅兮式歌以舞

右迎神

湖山蒼蒼兮湖水瀾瀾公攬勝兮絳節弭掀髯以
笑兮曰旣醉止暮雲合兮油油靈旗展兮悠悠行
駕駟兮夷猶邀主人兮一言願持贈兮具宜叙五
典兮共惇福爾兮壽爾匪且有且兮詒爾孫子

右送神

輓徐孺人

家石操配

孺人鹽官秀系出南州徐作嬪得良匹孝門流清
譽晨饘與夕膳善事其舅姑抱淑蘊蘭玉毓美珍
瓊琚家政歸井曰經訓勤菑畚翩翩起鬢序雅雅
登賢書相攸聯快聳次第列朝裾撝謙秉儉德操
作躬辛劬令才搢門戶綜理適戚疎方邀綸翟佩
而遽音容徂潘簾竟寂寞莊缶添欷歔爲誦微之
句泉路雙眉舒

胡生子健齋頭牡丹盛開邀同根堂編脩劍

舟茂才並攜六兒汝弼從曾孫球共飲花下

分韻得粲字

里有安定裔弱冠富詞翰閉門攻羣書經史日貫
穿尋常不窺園往往下帷幔昨遣長鬚來爲報花
爛漫旣邀隣並老且復招童冠散步至清齋花氣
薰高館情洽青尊深雨霽白日旰餘春感頽齡坦
懷遺俗韻近局會重來對花留一粲歸看屋角鳥
連尾忘後先

附 同作得發字

陸樹本

近局赴嘉招深情在彌闕賞心花正佳會友禮

勿越前輩勵純脩餘憾無毫髮憐才意自真忘
分義相揭胡子甫弱冠下筆頗典核勗以及良
時早歲期奮發疊疊功必成汨汨聽不竭閱世
揆情田研慮探理窟于以琢溫其直可永詒厥
歸來語兒曹其無忘寶筏

附
同作得紅字

胡重

攤書領古異涉園對芳叢名花呈國色澹暈流
輕紅簾外入霽景坐右生春風老輩攀綦屨所
欽明德崇倒屣揖詞客討源將無同媿非仙人
醴何由欸宗工一酌寫深慕再酌挹冲融三酌

敢乞憲令言發顓蒙默默惟自幸寂寞感寸衷
願言託比閭受益其靡窮

題表弟陳省齋照

舅氏古循良藉藉太邱長諸郎振家風叔也實競
爽憶予少年日共掉文壇鞅過從聯荀陳佳晨數
還往牽絲大江南早嗣鳴琴響所至有賢聲吏局
夙推獎昨聞擢司鹺鬲津稱浩穰接武渤海瀕報
最書連上梁月企丰姿展圖神益益丹穴指鷄雛
孫枝各秀朗解字凝香餘坐石契霞想分甘課誦
勤蘭吹動簾幌吾衰戀邱樊一攬一延賞

敬和

御製題耕織圖用樓壽韻詩成復

題一律以識欽服

紹興大小兩樓公前輩終推壽玉翁

樓壽字壽玉宋紹興間令

於潛爲耕織二圖題詩以獻頗蒙獎賞宜示後宮
詳見從子宣獻錦耕織圖後序及進耕織圖劄子

不獨能詩復能畫直追幽雅與幽風

九重親寫民天事一卷真同造物功
慚媿明農閒
汜勝賡歌辛苦曲難工

香樹齋詩續集卷二十七

嘉興錢陳羣集齋

恭和

御製題耕作蠶織二圖卽用程棨書樓璿詩韻

浸種

穀種函元氣粒粒資芸生陂池經浹晝如鍼芽始

萌

晝浸夜收三四日後始露白芽

主伯扶杖督鄭重農事興

皇仁感仁卉

晉書徵祥說王者盛德則嘉禾生注嘉禾仁卉也

祝茲萬寶

成

耕

香樹齋集 卷二十一
雨施土膏潤策犢事初耕冰漸水尙寒滑澁農足
頽課勤自茲始能勿越陌行及時同舉趾繪傳萬
國情

耙

破塊雨不驟濕絮柳知寒朝來事耙耨隴畔流微
瀾農忘蓑笠重牛忘腰背酸

九重親見之陳圖思其難

耖

重耕耨漸易扶耖牛搖尾風和自覺暄泥香不嫌
滓活潑似泉流蓬勃如脈起晚聽鳩婦呼蒼茫隔

煙水

碌磽

農器巧力兼樞轉由上匠齒齧入如刀土起走如
浪負重策爾牛軌行歸指掌南北制雖異人牛互
爲相

布秧

穀以潤而發生意夙含肥攜筐各耦布隨手無停
揮計日達青翠迎風漾漣漪莫輕一撮功自可按
候期

淤蔭

土化各有宜汜勝乃鼻祖

周禮草人註土化之法

疏農書有數

家汜勝爲上殺草如已疾漬種同哺乳時節際常

雩祈求應甘雨可以美土疆明神其我許

拔秧

平田水漠漠半畦秧鍼齊晨興隨手拔束縛連筐
攜嫩葉紛葱蒨寸根擢淤泥明當事種藝各認塍
東西

插秧

廉纖昨夜雨隴畔生微涼一插一回步步步讓新
秧密攢轂十指勻繡分千行覩茲力穡勤一飽共

無忌

一耘

稗苗漸改觀非種亦易新
偃僂俯濁水戒勿傷禾
根搗稞列罽布戽水走穀
紋試看南畝畔腰環來

初耘

古樂府有腰環
環曲環讀作彎

二耘

饁彼擔在肩糾然笠在首
由來淨盡難試視此苗
莠辛苦再耘人慰勞有餉
婦卓午憇槐陰菽酒坐
長幼

三耘

害苗務盡去固本還勤耔不惜筋力疲滿望黍稷
凝襪襖沾塗泥薄暮浴溪水老農語殷勤厥事實
爾委

灌溉

高田龜坼兆赤日照村莊溝車展龍骨

龍骨車水輔也

勢翻陂塘遙聞綠楊裏鴉軋午陰涼要將力作苦
誠彼游冶郎

收刈

農功皆在田厥事有始卒浸種到今茲攜鎌喜腰
折心欲捲黃雲未暇理短褐村村杭稻香負擔踏

霜月

登場

築場小春候禾稼納已優仰望積京坻副願慰田疇
捫負有齊力風日趁高秋如墉復如櫛比屋黃雲浮

持穗

既好使之堅既堅更使脫築場鏡面平處處耒聲
發不記胼胝勞但聞笑語聒滯穗寡婦利作飯炊
滑杣

簸揚

農具亦多術簸揚臨風前飄飄如雨下顆顆苞珠
圓糠粃比稂莠去之道貴專狼戾無過取餘蓄寶
康年

礮

壁合轉樞機長腰米名脫石齒連村殷雷鳴負任忙
婦子量粟箱中贏積薪檐外峙去膚以存真爲學
其視此

舂碓

制仿自太古遺利垂奕葉村深舂相去聲沉灘急碓
聲答精鑿玉匙流白晳大官滑敦勸鼓腹人慎勿

忘千踏

簾

米別精與簾器殊簾與簸試看粒相似

俗稱米上白者曰粒

粒相

旋轉幾經過作炊婦子懽得食鳥雀賀明朝

春事藏簾應牆角臥

入倉

興朝富藏民寬政均倉庾

我朝百餘年來緩征薄賦以

時舉行康熙間曾全豁七省漕米間閭至今銜感

近者皇上法祖施仁復頒全免七省

漕儲之

藏富於民實史冊所翺見

由來重慎收露積歸廬

庶農隙比戶閒暄負南榮午早晚輸公廩

每歲粟入倉時

州縣有司戶給易知單一紙便民輸納何勞長官怒

浴蠶

近川傳奉種禁火方新煙直辰惟紀候

周禮夏官禁原蠶汙

蠶書月直大火則浴其種按大火辰星也

浴子能知天昔曾捨

去聲鹽水

十二月十二為蠶生日浴種者以鹽水捨之

茲復沃溫泉公桑重始事

薦鞠禮所先

下蠶

連

蠶紙曰連

看綠色放種辨烏兒高罨覆有遺法百草

屑如毛

清明日采百草為屑蠶初出時罨覆之則得暖易長蓋蠶性喜暖即采繫遺制也

買紙補牕罅女手催剪刀譬諸脫裯嬰寧免保抱

勞淮南子俗謂蠶為女兒

餵蠶

采繁小於錢攝桑復如許養蠶不厭多一頭百堰

聚古樂府采桑度云一頭養百堰外魘辟香楓蠶不食葉為被魘焚香楓以辟之

中閨聞吉語辛苦乞姑嫜紉箴停請補

一眠

春蠶始眠時一日一夜長秦觀蠶書蠶生明日或不食一日一夜謂之初眠又七日再眠又七日三眠

又七日再眠又七日三眠迴計九日中蓬首豈暇

妝及此得休沐遲遲愛青陽明當侵曉露微徑求

柔桑

二眠

初眠至二眠七日處帷幕過替解諸斑

蠶食葉沙矢積為替

子刮之以免蒸濕為過替得氣除衆惡

爾雅翼桑葉著懷中

遲則生斑至老不作繭也

令暖然後切之得
氣則衆惡除也
咄咄復斑斑小大未差若暖房

抱兒嬉從容理圍箔

三眠

七日又七日三眠蠶事半繞屋桑柘多傍舍牆陰

暗夜起照蠶盤不愁燒燭短趁閒一理梳自笑鬢

絲亂

分箔

蠶當三俯後偏處飽愈促音宜移蠶就寬處爲覩薄寬於

筐璘藉高連屋龍輔女紅餘志璘藉蠶箱也編竹爲籠深構桑

整葉綠晝長飼宜勤蠶大麥亦熟

採桑

採葉俗論過桑葉二十斤爲一過連袂村舍深貴賤隨時判

然諾莫相侵桑梯隣翁假桑甚穉子尋耳邊聞好

語戴鴛飛清陰

大起

大眠復大起麥候恐多雨作去聲天此時難溫和竟

爾許吳歌作天難作四月天蠶要溫陌頭採桑歸村日正亭

午替上見揚花

蠶將起時替上絲滿爲揚花

開顏笑寒女

捉績

門樞靜不譁室中十手忙分飼別勤惰何心整衣裳瑩若肌無瑕充然腹有光行將事炙箔取薪自

高岡

上簇

作簇先簇心團撮判長短

農桑直說凡作簇先作簇心紮頂如圓亭者爲

團簇馬頭長簇爲撮簇此南北蠶簇法也

分隊各躋攀急上莫選輓棲

巖薄漸空局戶爐添暖計日雪繭成銀山爛盈眼

炙箔

吐絲趁良辰圍爐更遮幕單衣不知寒餘溫上蠶
箔紹繚祝密緻結撰期磊落聲聲紫山鳴有鳥來
警覺

紫山看火蠶鳥
語上簇後乃至

下簇

神蟲一何憊上山還下山女紅自此始蠶事已就
闌親串過慰勞近局相欣懽可憐嬉游伴羅綺矜
朱顏

擇繭

手探盤中繭目想繭中蛹三熟隨所珍五彩皆有
用願禦天下寒遑計一身凍翁嫗抱區區庶免罪

悔重

害繭

化蛾繭無用翦花同楮葉

吳俗繭成而蛹化者輒翦作花謂之繭子花蠶

娘簪之更相贈遺

欲抽繭絲長須令土氣浹穿空

去聲成雪

害挈伴舉雲鋪經旬重拂拭手巾淨花氎

繰絲

村村掉車聲奔走茅厨娘餵頭覓已得

蠶書其緒附於先引

謂之執熱便綰湯

春秋繁露繭待繰以綰湯

坐對庭中卉白蒿

一丈長

蠶月吳中野蒿薇開白花俗稱繰絲花

從朝繰至晚暝色莫

侵牆

蠶蛾

蛹母蛾爲父

荀子賦篇蛹以爲母蛾以爲父

三化期適然

張華博物志蠶

三化乍如蟬蛻委忽展蝶翅圓一身脫羈縛中情尙

纏綿好與主人約紙種畱隔年

祀謝

蠶師出濟河

蠶書予游濟河之間知充人可爲蠶師

蠶神遡巴蜀婦

孺述前聞馬頭如在目永垂衣被功庶雪革裏辱

一家敢自私八表盡蒙福

絡絲

鳴徹絡絲孃

吳中有蟲名絡絲孃聲絕相肖

寒催乞巧節顧杼幸

不孤

黃憲天祿閣外史
諺有之宵必顧杼

考縷戒勿越

剡麻考縷
見淮南子倚

壁挑燈斜轉軸支機脫纜交一簾終雙星半明滅

經

及時敬經絡

齊民要術具
機杼敬經絡

度架一字排要使曲者

直何憚往復來分界審既正比德守不回門前路

如矢想見統紀才

緯

連朝勤析縷挽髮常不了手經次及緯

淮南子綌
麻索縷手

經指

後素繼以華彼皆取綢直此獨資橫斜轉圜

物惟備又有小絲車

織

看織諸女伴清夜來倚闌蚤偷龍梭巧那避蟾魄
寒借問流黃素一日能幾端生當服管蒯不輕易
中單

攀華

攀華勝染采婦工巧且勤絲人自軋軋氏徒紘
紘錦心出新樣織手成大文莫嗤貧家女能撻八
伯雲

剪帛

兩股試并剪一幅驗周尺筐貢充執纁責獻儲貢

帛黼衮知艱難敝衣當愛惜爲語食粟者安分事
穿著

題澹遠師花谿垂釣遺照

憶昔

仁皇朝六幕承浩蕩文治蔚光華星芒應緯象先
生起清門詩筆激

宸賞低語諸老間火色必騰上職密心自超襟冲

道彌廣前輩多扶輪下士邀崇獎

康熙間陳羣爲諸生時先生索

觀所爲詩文曾荷國士之目

名齊虞褚行跡寄濠濮想故園枕

花谿草堂東西瀼春水落花多游鯈唼蘋響偶學

張志和獨繭絲在掌平生慕初衣圖畫盟息壤世
守貽孫曾高致足俯仰吾衰揖清芬焉感疇曩
仲夏泛舟至武林中途遇風雨與沈生劍舟
夜話用東坡過李公擇故居韻

環境有諸湖四望無近麓工作農方興養苗如養
玉再蠶葉重陰密篠籬添竹所適雖非遠猶帶書
數束讀罷倚篷牕叉手對新綠溯流櫂更遲判傍
漁舟宿厭黽聒荒陂聽鸝嘯夏木風迴自有時蒲
帆挂半幅連檣且就安眠穩卽華屋村醪一中之
呼童翦殘燭

題穆大展攝山玩松圖

攝山有九松壽與僧紹齒蒼茫二千載特立無所
倚我曾奉

詔遊一撫秋山裏

天藻肅仰瞻清韻流鬣鬣吳興今詩仙對之輒歡
喜扶杖偶婆娑竟日忘歸矣勝事多畱傳圖畫盛
甫里至今九老會古致足比擬我亦會中人忘年
自茲始

題張皞田太守問樵圖

解組歸來鬢已絲耕煙雲路訪樵師若教攔入山

深處逢著仙人莫看棋

宦蹟早聞歌麥穗閒情要共赤松遊畫圖有客呼
張丈自笑香山也白頭

五月廿有一日邀同汪丈介思及令嗣魚亭
西曹並攜其諸孫同沈子劍舟泛舟湖上小
飲用東坡介亭餞楊次公韻

訪僧僅一來寺門尋山足軟遺深村

時魚亭與予皆足軟不能

濟勝絕似南陽劉子驥好事至竟迷桃源多情朋好

盡促坐及時蔬核皆堆盆湖光晴爽如有約詩思
振觸原無根一杯到手忘賓主三世在席各弟第

香樹齋集 卷二十一
要將敦厚維風俗庶以清白畱乾坤吾衰但恐辜
聖世每欲披示惟陳言歸來微醉呼不律翦燭紀
此題高軒

已丑仲夏予以先祠表忠觀脩葺落成至會城
恭謁館於汪氏振綺堂數日適久雨新霽邀同
主人及一二賓從泛舟西湖薄暮始歸因成是
什至湖上諸勝十未探一往予奉使豫章假
還浙右過江後經湖上謁先祠表忠觀卽放舟
東指得句云好書溫未熟舊雨話仍疎同此耿
仄也予衰懶寡嗜又八十自題云勝水名山到

便休其大槩然已

附
和作

汪憲

南風吹舟當祠門柳邊路接郭外村不忘祖德
本忠孝落成紀事推淵源籃輿周覽眷雲水青
帘酤醞傾罍盆拍肩喬松定仙侶拏芳沼沚無
塵根由來豈弟神所勞綏我君子穀後勗信脩
敦勉在三事敬義夙稟六二坤溪山披豁悅真
性笙箏發響酬清言扶攜相從告旣醉出嶺纖
月明東軒

次韻答陳勾山問卿

行幕遄歸駐碧油清明時節落紅稠故人南郭尋

鷓侶

予所居金陀坊在城南

相約西湖放鹿頭勸孝鄉農勞

致問

涑水事

授經里彥睠焉畱明年預擬還朝後要

寄新詩慰別愁

題孫隱谷孝廉雪中觀梅遺照

疊雪皓已潔嘉植揚其榮孤抱謝衆賞畸士恥狗
名一下春官第遂辭計吏行適志尙通隱執德無
近營直欲敦古處任卹存單惇同雲釀寒沍飢雀
紛啾鳴惻然念貧乏指困分餅罌裝綿煖輒裂挾
纊感伶仃還徃篤友誼羣屐畱軒楹倒屣禮周洽

投轄尊滿盈作善人已往紀實淑可旌我生未識
面展圖一怍怍題詩表遺愛勸俗餘深情

雨中訪恆上人法雲山房偶成一律

補刊丁亥作

冒雨尋初地扶藜踏蘚苔閒雲歸岫宿野鶴過江
來畫裏傳摩詰談閒想辯才淨便香未散定起撥
寒灰

昨過訪時適腹痛上笋輿不得暢談見几案間
拂古紙作山水叅禪之餘又添一繪事

上幸淨慈方丈面諭和尚出家人也能作詩麼今
作畫又添一繪事不又成一重公案耶請和尚

下一轉語予詩正可作印證矣

附
和作

偶歸楞嚴雨中錢宮傳見訪和辱贈原韻

沙門
明中

蕭疎黃葉雨石路滑荒苔不問眠雲處難教着
屐來嘗茶叅活句轉語試麤才又喜添公案三
心笑未灰

七月九日暑甚集頤和室用王右丞納涼韻
大火昨夜流日次鶉尾中陽威乘餘烈軒牖迴微
風荷香含靜遠蘭韻浮虛空借以滌煩慮於焉潔

吾躬晨興約觀稼一問
頽背翁更攜二三子緩步
東田東

曹地山少司空奉
差鞫讞來浙事竣還京

過訪贈三絕句

八斗才名四十年早騎
口鳳隊羣仙平生知己誰

能忘愛讀先生錢水篇

先生典試浙江作錢水詩述先
武肅功烈及與予交契殊悉

前身合是蘇夫子士論
多推韓退之勾當偶然停

玉節執經千里擁準比

端居有夢到蓬萊曾拜
仙家白玉盃賜杖十年

猶好在耆英會上會重來

題劉保齋明府小影並送其歸彭城

大令古循良所至遺清惠當湖起能聲長水一行
畀恬愉樂四郊祗席安三歲桑田野雉馴方社城
狐避來暮猶興歌微青偶望議父老相攀留亭館
一頓憇君曰爾無庸鴻爪安足計裝函宓子琴帙
貯胡威笥涼秋問畫師拂素傳斯致攜圖來告別
吾廬動歸思題詩當折柳高雲仰無滯珍重答良
時予衰脊焉企

敬題

先太夫人筆頭紅梅水仙

墨痕粉本發奇香國色仙姿自在粧畱與兒孫看

手澤杯棬世守莫教忘

此 先慈年二十未字時所作也閱八十

有九年而淡雅古致若此宜筆墨爲

聖主賞鑒御題逸品藏弄寶笈云

送協鎮張鼎臣之任杭州

隣並吾廬接閭旄除書初拜正秋高虎林夙望同

鴛水豹尾新班起鳳毛

時令子官侍衛
扈從刁斗森嚴

程不識驪黃翦拂九方臯衰齡夜臥叨安枕津鼓

聲中首重搔

暮春泛舟過子舍少憇卽放棹至當湖

補刊

放眼春光滿尋來亦自娛
詩篇從子和杖履有孫
扶交語梁間燕雙飛檻
外鳬好風催挂席茶熟過
瀟湖

香樹齋詩續集卷二十八

嘉興錢陳羣集齋

恭和

御製幸盤山詩

九十首

啟蹕幸盤山因成是什

盤谷名山契

聖情春巡東甸指霓旌問

安早聽龍池漏乘令初開鳳闕晴芳草露凝

香輦合麴塵風颺碧蹄輕新畚宿麥紆

宸矚好鳥頻催九扈耕

香林齋續集 卷二十八
過清河

春郊散霽暉沙鳥隔煙飛高柳如相遲去聲長虹得
所依冰嘶泉自滙土沃水添肥承澤沾畿甸清河
力豈微

至湯泉行宮作

啟蹕屆初旬纔停冊里輪香泉浮瑞靄秘館駐長
春得氣青芝茁承恩綠樹新

周咨民隱切何以答芻詢

戲詠鶴

天上鶴聲相和好生依化日正舒長羨他文囿仙

禽樂乞與松喬久住糧

麥色

帝錫來牟好雙岐已滿阡氣先浮野色光欲淡墟

煙細辨銀花落低翻翠浪連昆和仙種在

昆和麥見拾遺

記玉甸想同然

順義縣行宮作

停鑾來下邑延賞入春融砌草芊綿碧庭花點注

紅順興符景運歸化翊

宸躬

宋置順興軍於此道改歸化軍

指示茆茨意神蒿可作宮

王者

德澤

和洽則蒿茂大

可爲宮柱見大戴禮

偶題

昔秉

廟謨勲克集金川傳檄定碣居卽今六詔仍推轂

又卜功成指顧餘

大金川之役傳恒以經略視師膚功迅奏今者征緬之舉

皇上收聚米之形於掌握定破竹之勢於指顧傳

恒祇遵勝算虎帳星馳行見緬酋小醜膽落魄禿

威德遠敷捷音送喜臣曷勝抃賀云

曉陰

乍覺晨曦淡分將馬色皆

馬色分朝景唐人句

知時原不定

望雨故應佳一幰旋收黛連畦欲護芡野人蓑笠

待差足慰

吟懷

盤龍山行宮卽景

飛動春山色

盤龍山銳下而豐上故多飛動出長安客話

雲連

蹕路遙翠微當戶潑黃鳥弄聲驕看樹多成幄聽
泉直上橋移時

天筆揆邱壑眷嘉招

詠庭中松

之而天矯畫難成庭院風來鶴夢清恰好松雲供
茂對山光明媚入霞旌

細雨

三月初九日

廉纖成薄暮霖霖聽中宵靜灑沉蓮漏潛滋養麥
苗物欣天澤潤詩寫

聖心遙洱海兵堪洗爲霖入凱謠

雨中過大嶺

雨師灑塗未云止嶺雲又見溶溶起

六龍侵曉上層巒俯視遙村雨腳委散作恩膏萬
彙昌玉鞭濺處翻生喜山農顙望鳴鑾到扶筇驟
箭遍崖隩如霞如霰紛白紅杏花又博

天顏笑十七年前曾繪圖梅花時節猶堪傲

臣於壬申

春扈遊盤山杏花盛開妍雅時鄒一桂同扈

行宮前數株歲久着花蹕山下因出絹素索圖淡

夕而成至今江梅爛漫時取此嶮懸之復朗誦
御製翠雲山房杏花盛開句東風花事正絕勝
南梅北杏言非誣倚巖扶巘致各別笑雲烘日顏
齊舒實超出前賢韓愈之詠李林逋之詠梅也

至盤山靜寄山莊作

雨景空濛畫幘披山莊一簇指鞭絲到來噴玉清
泉響望裏鋪金翠隴滋閱歲愛看松色好尋春要
問野人知靜同太古於焉寄時物行生契在斯
深秀無如此蔚然卷阿小寄足便娟岩扉試敞延
新綠石壁鐫題又幾年諸品自來塵外賞衆喧俱
向靜中蠲
宸襟恰會冲虛旨碧樹含霏拂采煙

香林齋集 卷二十八
延春堂對雨

春雨不知繁春雲處處屯峰螺空自隱谷鳥靜忘
喧窈窕難尋壑琤琤莫辨源惟應東作者比戶誦
深恩

韻松軒口號

常時不雨還流韻此際無風也作濤聽雨哦松飛
聖藻此軒名共此山高

澦文榭

在山泉水好一勺已成池翠壁高依榭清風散作
漪流光渾不定倒影恰相宜五色呈灘渙花開照

遠枝

心鏡齋

虛榭偶臨波晃朗至人自具鏡光明
心空萬象心相印民監無殊水監情

畱雲室

粲粲盤中石如羊非一種仙館貯玲瓏
初平叱不動蓬勃欄際雲觸石起常
蓊春蘿罨其陰紺乳滴其孔付與攬
雲人元澤徧青壠

雨景六首

雨山

衆皴難分黛色藏墨雲一抹總微茫若教出沐尋

稜角

韓愈南山詩
晴明出稜角

指點朝陽與夕陽

爾雅釋山
山西曰夕陽山

東曰
朝陽

雨瀑

水樂也應雜琴筑石鐘渾不辨鏗訇九天一道銀

河落細聽流雲學水聲

李賀詩銀浦
流雲學水聲

雨松

着沫之而更不同誰將鱗鬣問山童明朝飛去能
行雨濕盡蒼髯八九翁

雨花

紅紫叢叢帶雨枝低垂淡抹想丰姿半開正仗東
風力比似春江濯錦時

雨鹿

冒雨伊尼靈沼遊細聲遠韻送呦呦胎斑點滴林
間濕畫出梅花貼地流

宋人詩落梅
田地鹿胎斑

雨雀

馴擾階除得食多野田那得比山阿雨中送喜來
仙館瓦雀情知樂有那

靜夜吟再疊舊作韻

時幾勅更深五夜有餘陰試聽空階滴如諧解阜

琴玉蟲低綴影銀箭遠催音彌厪瞻榆候無失望
澤心

曉晴

好雨連宵足時暘拂曙宜丹曦開四照綠漲滿千
陂已慰惟星願還深望歲期

皇心增悅豫也許老農知

養虛齋

築館抗疎峰拾級梯苔上雲木蔚晻曖澗泉流滉
瀼凌風切霄冥吹萬在指掌春和景逾明氣清天
自朗道契神理超得言可忘象

聖心蘊太虛貞元葆充養

婉變草堂

焚燎架脩廊華棖開深堂豈如雪色壁奕奕生墨
光雲煙任變換過眼誰能忘粉圖作供養指點成
故常數椽寓妙義婉變呈縑霜

題董其昌婉變草堂圖

圖成婉變華亭筆也是倪黃一輩人盤谷豈殊畫

禪室游歌雅慕寄情親

其昌自題有云仲醇攜過齋頭設色是日適得李營

印青綠煙巒蕭寺圖及郭河陽谿山秋霽卷縱觀
竟日遂不暇設色今其真蹟上猶愛玩屢邀
題賞書畫一道感人最深其
昌有知當亦銜感無已也

對瀑

名泉伯芻辨

唐劉伯芻精於品泉

流水子期聽天紳荷

天藻匹練飛雙清匡廬與台

天台宕雁宕

觀者紛品評

豈知在川旨無異對瀑情

題崔彥輔溪山煙靄

溪遠山長互嵌空題詩對景致偏同盤中處處皆
真蹟始識天工勝畫工

雲林石室

雲林開奧境仙佛不須爭礧戶和煙啟松關抱石
清濃春添粉本流水瀉吟情丈室

天章煥風姿旦晚生

戲題雨花室

拈笑曾供迦葉談
曇陀丈室此應堪
想當落處同紅雨
天氣纔過三月三

對山亭

峯蓮朶朶青
虛敞接蒼冥
慙慙標

宸賞春風一笠亭

中峯

遠近山羅列
中峯獨出羣
斲雲鑱五字
萬笏拜

天文

貯清書屋

萬古嵌巖石由來得氣清結廬儲秘帙竦檻綴繁

英

韓詩劍石猶竦檻

靈壁難侔迹金庭倘發聲

林屋洞有金庭石柱

能發鐘鼓聲見吳地記

雲根長此貯一寄樂山情

讀書樓

好山平遠水空濛春寄無邊一點紅

誰言一點紅解寄無邊春

蘇軾題畫句

此景南州誰領得江湖應數陸龜蒙

交翠榭

鬱鬱後凋樹欣欣暮春時接葉承樾蔭交柯蔚新

枝構雲聳飛檻翠色爭敷披

至人會生意相賞若相遺濂谿識妙理此外當問誰

遊天成寺作

春岩葱蒨喜新晴蘿磴盤旋取次行一迳泉從松
罅出半山雲傍馬蹄傾到來紉字鐸泉聲坐久珠
林篆籀生花雨繽紛清籟發上方最勝本天成

萬松寺三首

濤聲靜激千尋石黛色濃開一綫天仄徑紆迴到
香界田疇猶賸布金田

賜遊詔許眄山形帽影鞭絲一晌停今日賡吟憶

天姥林栖羸得養黃寧

王申春臣扈蹕盤中蒙恩賜遊得少憩萬松下

參天偃蓋自重重圍繞峰凹潑翠濃一自吾

皇勅將護山姿長苑萬蒼龍

先是松爲寺僧薪蒸摧伐上申令禁

止十餘年來松較前益茂

西甘澗

泉香澗自甘東西各登涉峰迴路轉問不覺移晷
刻嶺西石門坳古澗閣黎識紆道翠微深犖确徑
轉仄領取西來意卽是八功德

聖心過不畱那許挈瓶測

東甘澗

西嶺穿雲又嶺東兩泉味與一泉同花甕偶試頭
網薺松石吹來習習風

千尺雪

疊作湖嵌石

韓愈城南聯句湖嵌費攜擎注湖嵌石也嵌平聲

凌空灑晴

雪還往盤中人淨眼詫奇絕我

皇策騎過繭雲此少歇坐對峰伍伍靜聽溪汎汎
倘攜都籃來定瀾玉花潔三載喜重遊不信支硎
別

題唐寅品茶圖

清新畫意出詩人妙想無窮盡入神滿徑松風魚

眼沸安排茗盃遲佳賓

半天樓

山巔結飛樓幽處時一憇扶輿上巉巖人力亦云
勦坐覺心跡清松風冷然至縹緲亂雲霞羣峰互
虧蔽軸簾眺平楚阡陌雨初霽村農于耜勤
宸衷早深計

效深室

關境洵蒙密入門殊幽深流泉出石竇濺沫如鳴
琴岩花自窈窕灌木猶陰森悠然領天趣卽景寓
遐心

降嶺

登山喜平曠石路何坦然
回睇經過處峰峰高插天
煙中老鶴唳松頂孤雲穿
陂陀得小憩取徑仍欲前
探奇非驀遇涉趣如忘艱

泠然閣

誰將匠石斤憑虛構嶢榭
吹送清音來遠出穹谷罅
罅飄飄凌雲間謾謾勁松下
會見御風人翩躚艸堪藉

對月

亂山吐明月一輪光在水
相對靜忘言襟懷澹若

此栖禽動林隙遊鱗躍溪涘露霏草樹滋濯濯清
如洗何必問盈虛悠然悟太始

曉

銅壺殘漏聽分明待旦

宸居思轉清作篆煙微含宿火報晴鵲喜送新聲
窺牕花樹重重密出岫雲霞片片輕遙識

天行勤省問近畿民物最關情

閱本

檢校需頭本報多

凡章奏皆需頭見獨斷
在封奏每二日一至先期集所

司謂之
接本報

幾餘晷暇亦無何勤求民隱歸遊豫俯采輿情驗
協和首勸耕桑周甸服旁招俊乂出巖阿
皇言批答兼謨訓官守應知共濯磨

芟樹

柞氏刊陽木當春令所止

宸衷執化權攘剔契皇矣如何摩雲姿翻出弱柳
底陰濃覆旣深葢偃望難企一爲區別之正氣自
不靡良窳質固殊翦伐何能已行看雨露滋黛色
叅天起苦苴掩嘉蔬少陵曾會此

題清音齋

雙虬蟠古柏空外有餘音
憂玉添清聽流泉寫素
心檐高風謾謾庭綠影
森森不待朱絲理無言契
自今

澹懷堂

爐芬依翠幌花影上瑤階
氣覺春和盜心從靜境
諧雲垂華蓋出山削碧
簪排須識澹寧意於焉愜
睿懷

雨中貯清書屋

一庭煙靄貯清陰
雨點浮階試酌斟
默計康年滋
宿麥靜知暇日對春林
捲簾鏡裏添飛瀑
遣興吟

中見作霖此際村歌農務亟山遊欣暢意偏深

再題交翠榭

望裏喬柯迥異常交加翠色遠仍揚深遮蘚徑畱
山影密布藤陰上日光一幘雲林開罨畫半牕簾
帙照鉛黃重來寫景詩如繪造物真成無盡藏

雨中山行二首

雨浥岡巒草色淒鳥呼滑滑不沾泥
吟鞍得句成天繪空翠和雲濕月題

自來甘雨多三日望歲憂勤解得無恰笑山農爭
引領一犁隴首樂忘吾

攜和親王遊山作

丹梯緩轡試同登
放眼真超最上乘
澗樹玲瓏晴益好
嶺雲舒卷畫難能
偶尋放梵

吟神爽況挾飛仙逸
興增攬勝更聞兼濟勝
天倫樂事倍堪稱

古中盤

駕言陟中盤
迤邐蹋山石
蒼松拂溪水
掩映空翠得
深林野客樵
古洞仙人奕
綫路不容軌
行行騎還策
遙峰拖遠青
飛泉帶脩白
亭亭妙蓮花
羅列如排戟
登頓土層巒
犖行徑窄閒
情偶相遭秘

景時一覲鹿鳴澗何幽鳥啼山自寂

宸襟有真賞眷焉少憇息乃知仁者心靜觀恒默
默

少林寺

躡雲旣穿中盤去御風還向初地迴到來天機自
浩暢妙明心淨無纖埃槎松吼濤石漱玉花雨欲
逐諸天來伊蒲定足甘露食不然葱鬱何佳哉

望雲罩寺未至

雨散諸天瑞靄凝慈雲深護最高層不知清磬出
何處捫葛攀蘿憶昔登

宰堵玲瓏聳碧虛遙瞻香界興何如分明一幅王
蒙筆濃澹溪山潑墨餘

盤谷寺詠韓愈李愿盤谷事

韓子稱盤谷曰在太行陽太行有天井北流注何

長

水經天井溪出天井關北流注白水世謂之北流泉按天井關在太行山上

既讀盤

谷序載繹盤谷章愿也奚足數

昔人有謂盤谷李愿非西平王晟子

又有一同姓名者見閻若璩博湖掌錄

名勝豈始唐奧區蘭若古

駐蹕草木薌餘事及考核放筆欽班行拘墟指孟

州安知非朔方沙門編剗後

康熙間僧智朴居盤山纂盤山志近經

稱

御纂始

又見

天語詳

東竺菴

精藍枕溪潯春風自花柳勝地

翠華臨十笏虛能受寒玉激階除螺峰列牕牖疎
鐘響欲沈妙香清無垢柏子落庭陰門外松濤吼

雲淨寺

梯磴盤旋屐印泥望中雲罩擬相提須臾出岫雲
容淨一抹氤氲入

睿題

再題千尺雪

飛流直下注成池再訪

幾餘一賞之悟得宣尼川上旨萬殊一本有如斯

再題半天樓

層樓矗天半登陟筍輿便尺五重來處新題一兩
篇雲霞生畫棟菽麥兆豐年此日憑欄頃霏霏下

紫煙

得概軒口號

田字闌干淨可憑階前流水一
泓澄催耕布穀叮嚀語東作應知次第興

受宜居

香茅紅杏結檐楹處處遙聽叱犢耕最是春山新
雨後閒繙王帖仿時晴

題鄒一桂杏花

扈從當年寫折枝宮門紅杏正開時臣家一幀題
長倩猶記春風豹尾隨

見前注

再題心鏡齋

檻前水色方渟碧戶外山光又送青此際
皇心涵遠照每於萬里見情形

池上居

鑿池自領巖中趣架屋猶憐鏡裏居蘋末風過銀

浪活簾間雨歇錦屏舒鳴鳩乳燕芳春暮白石青
溪罨畫如佇想

宸衷真淡定恰從閑處悟盈虛

琴峽亭

戛玉泠泠奏七絃

宸襟瀟灑卽於斯繪詩讀畫王摩詰流水高山鍾
子期

南村

幾家茆屋曲通村卽事還同野老論風過林端喧
鳥雀日高原上散雞豚波光瀲灩初平岸黛色參

差却對門最是閭閻淳朴處羲皇景物自常存

農樂軒

偶憇層軒翫物華勝遊如到野人家略規豐澤年
年好一例

恩膏歲歲加日暖青疇開夏甸風輕紫陌見春花
皇心要自同民樂念到西成望轉奢

賦得河海不擇流

得虛字五言八韻
春闈試題

直下連天漢廻環抱地輿有容德乃大不擇量何
如喻受三川合包含百谷餘蹄涔歸洞酌點滴挹
方諸星宿探猶及朝宗得所於龍門窺縱遠貝闕

注仍虛沐浴榮光射澄清積垢除瀆靈齊効順
謙益仰開予

過大嶺望雲罩塔作歌

香雨潤翠蓋塔隱華鬘遠難見慧日耀金繩塔繞
白毫吐一線天龍忽拜

天人來相輪轟轟雲中現紆迴石磴安

吟鞭寶氣欣占分面面高山日照開晴煙

佛經釋迦如來

說華嚴經譬日出先照高山爲第一時

奧義悟徹歸新篇扈遊各各

生懽喜俯仰一切無縈牽

平谷道中作

輦道真看似砥平一番榆莢雨開晴
聲聲布穀林中喚要勸山農求耒耕

已過禊節展春陽婦子懽迎競倚裳
馬後青山相送好林梢幾疊翠雲長

父老扶筇盡出城省方展義眷

皇情須知笑語春溫布只在官如水樣清

陰

雨足芳郊喜力田又聽鳩婦喚桑顛秧抽淺水鉞
猶小麥展平疇翠欲連花外嫩鶯餘百轉風前弱
柳已三眠屏翳解送清塵雨膏澤應知霈亦然

曉行

仙蹕凌晨啓行官列騎連柳梢星欲落茅舍火猶
然卷旆迎朝旭飛橋壓大川

觀民多豈樂林薄散墟煙

過順義縣城

馳道接春城
嬌花綴露輕
野橋新漲合
官樹綠陰生
俗識絃歌化
民安解阜情
由來歸德地

北齊置歸德郡

於此鑿井事躬耕

於行宮疊舊作韻

郊塍開霽景

行幄暖光融雨洗庭槐綠春餘砌藥紅

承歡依

聖母無逸仰

皇躬瞻望趨雙闕

慈雲覆玉宮

詠紫白丁香

含情忽見瑤臺客倚笑如逢紫府人
記取柔香還百結兩花身是一花身

廻蹕詣暢春園問

皇太后安

甸服仰

周詢迴鑾際好春

一人隆孝治萬彙盡懷新永享承平樂同敷

長養仁與時臻道泰歲歲望鉤陳

夏五望山相公有見懷詩二首用王摩詰藍

田山石門精舍韻各書箴頭付其門下士貽

曾馮子覓便郵寄予貽曾謹飭士也慮有浮

湛適文登徐明府奉

旨來浙明府爲大中丞雨峯先生令子曾令吾郡

昨便道抵家省母畱兩月仲秋八日明府詣

予出相公所惠詩箋及如意祁葛等物予讀
詩狂喜先是相公寓書索予和詩至再予無
以應頗以未得展讀來章爲悵今乃得之次
韻爲報情見乎詞

白髮存老友作詩附薰風高鴻滯東海極目不可
窮遂令兩地心悵悵將無同延竚頻遠睇東閣誰
能通叩門來馬策開緘始一適新詩鬱蒼松真意
悅老柏况示何殷勤賞契在岑寂固哉說詩人風
騷分主客

謂唐張爲
作圖事

幸生

文明代颺拜讓左席自慚非瓊瑤敢希近奎壁平

生一寸心覩縷道所歷屈指歲星周金鋪展良覲

近奉

旨後年恭遇

聖母

八旬大慶

命陳羣扶杖入

朝恭祝

次兒汝恭作令江左歷任劇邑相公總制兩
江時深賞器之今夏服闋赴補謁見邸第每
出新詩見示視同猶子初秋接汝恭稟云邇
日相公偶感暑熱

上遣御醫調治數日後當痊可也予聞之益增懷

企又浹旬家人從熱河齋 恩賜緞疋歸

蹕接後卽問相公起居稟云某等自熱河進

京行兩日於途次望見中堂車騎赴

行在即趨前請安見相公光浮顏頰諭云汝等歸
爲我問主人安好途次未能作書也予聞之
喜慰實甚又用王摩詰藍田山石門精舍詩

韻一首

家兒作今日小草承春風分當列猶子受教况無

窮崔韓有世講

韓晉公與崔鉉事

今昔同非同吾衰懷老

友問訊兒能通昨來雲間策眠食偶未適公情如
芝蘭公體乃松柏我心車輪轉我坐蕭齋寂徙倚
望好音帆落少北客摺使塞外歸重較迎鈞席計
日

行在趨直廬敞東壁密勿

顧問深玉漏移時歷詩成託枚乘一讀一面覲

附
原詩

尹繼善

已丑端陽香樹太傅錄王摩詰藍田山石
門精舍詩於扇頭見寄並索予詩卽用其
韻寄懷一首

一別動數載不得坐春風恰如參與商相望思
何窮江湖與廊廟忙閒各不同幾行尺素書又
少鱗鴻通羨公杖輕策逍遙復恬適縱目看青
山抱膝倚蒼柏可知燕臺叟逸情漸枯寂節序

感新花光陰送過客才拙恥素餐

恩深虛

前席退食晚香亭

恩賜絢春園內有亭名曰晚香

搔首對東

壁壁間舊贈詩墨痕猶歷歷惟有鴛湖人徒向

夢中覲

以絢春園誇於香樹太傅仍用王摩詰藍

田山石門精舍韻感舊述懷又成一首

別墅叨

恩賜日日挹清風四時景各殊樂

意正無窮有屋似扁舟不繫亦相同

金陵署內有齋名不

繫舟有池來活水源與瀛洲通公餘理筇策緩步

隨所適懷友望停雲問年指古柏數畝儘寬舒

三徑饒幽寂回憶在吳門同作遊山客

昔予駐節吳門

先生曾往西山同遊

細雨醉登樓青燈夜聯席攬勝憇僧

房題詩畱翠壁而我絢春園公却未曾歷北來
喜有期花開好共覲

秋夜攜

臻孫

泛舟卽事得湖字

露下添衣立船頭當杖扶遂隨歌到水雲送月臨
湖自笑老攜幼真同鵲引雛平生驚蟋蟀衰白尙
瞿瞿

西隣朱丈喜種菊花時輒送數十本漫題一

首

懶予辜負菊花天勞動隣翁十八年

予自壬申歸里衰懶不治

花木閱今爲愛晚登同佚老敢希輕體學神仙韻

十八年矣

流橘綠橙黃後香發霜螯白墮邊最是夜涼賓從

去尙畱清影伴華顛

自有期花開好共觀

秋夜獨坐泛舟即事得別字

月下添衣立船頭當杖扶還隨歌到水雲送月臨
去與蒲葦濕斜華照引離生驚蟋蟀白荷
飛翻紅黃菊香發露漙白望盡是長安客寓
十八年
外小別
謝云辜負蘇詩天寒煙網餘十八年
里竟賦不
午自王中



